

বন্দে মাতরম্ আনন্দবাজার পত্রিকা

৯৩ বর্ষ ১৫৪ সংখ্যা মঙ্গলবার ২ ভাদ্র ১৪২১ কলকাতা

চিন দূর অস্ত্

একটি অগ্রিয় সিদ্ধান্ত লইলেই বলিষ্ঠ এবং সাহসী রাষ্ট্রনায়কের দায় ফুরায় না। প্রধানমন্ত্রী নরেন্দ্র মোদী তাঁহার সাহস এবং বলিষ্ঠতা প্রমাণের কাজ শুরু করিয়াছেন। অতঃপর তাঁহাকে স্বনির্দেশিত সেই পথ অনুসরণ করিতে হইবে। আরও অনেকগুলি অগ্রিয় সিদ্ধান্ত বলবৎ করিতে হইবে। ক্রত। আগামী স্বাধীনতা দিবসে লালকল্লয়া দাঁড়িয়া বলিবার জন্য অপেক্ষা করিলে চলিবে না। স্বাধীনতা দিবস বছরে এক বার আসে। এক বছর অতি দীর্ঘ সময়। কাজের বিশদ তালিকা পেশ করিবার অবকাশ নাই, তাহার প্রয়োজনও নাই। আপাতত একটি কাজের কথাই যথেষ্ট। যে চিনের দৃষ্টান্ত অনুসরণ করিয়া যোজনা কমিশনকে বিদায় জানানো হইতেছে, এমনকী তাহার স্থলে প্রস্তাবিত নতুন সংস্থাটির নামও ন্যাশনাল ডেভেলপমেন্ট রিসর্ম কমিশন রাখিবার কথা উঠিয়াছে, সেই চিনের রীতি অনুসারেই প্রধানমন্ত্রী আর একটি প্রতিষ্ঠানের সংস্কার মনোযোগ করিতে পারেন। সেই প্রতিষ্ঠানটির নাম কেন্দ্রীয় মন্ত্রিসভা।

নরেন্দ্র মোদী যখন তাঁহার মন্ত্রিসভা গঠনের প্রস্তুতি চলাইতেছিলেন, তখন আশা জাগিয়াছিল, তিনি একটি যথার্থ নির্মেদ সরকার তৈয়ারি করিবেন। সেই আশা সম্পূর্ণ বিফল হয় নাই, পূর্ববর্তী ইউপিএ সরকারের মন্ত্রিসভা অপেক্ষা প্রায় চল্লিশ শতাংশ ক্ষুদ্রতর মন্ত্রিসভা লইয়া এনডিএ সরকার কাজ শুরু করিয়াছিল। কিন্তু পরিমাণগত পরিবর্তন কখন গুণগত পরিবর্তনে পর্যবসিত হইবে, তাহা শতাংশের পাটিগণিত কথিয়া স্থির করা যায় না। প্রধানমন্ত্রী মোদী যথার্থ প্রশাসনিক সংস্কারের সূচনা করিতে চাহিলে মনমোহন সিংহের সরকারকে মাপকাঠি স্যাস্ত্ত করিলে চলিবে না, যথার্থ মেদবর্জিত প্রশাসনের সহিত নিজের তুলনা করিতে হইবে। মার্কিন যুক্তরাষ্ট্র উৎকৃষ্ট মাপকাঠি, কিন্তু আপত্তি উঠিতে পারে: উন্নত দেশ এবং উন্নয়নশীল দেশ অ-তুলনীয়। চিন আমেরিকার নহে, তদুপরি ভারতের সহিত তাহার তুলনা বহুলপ্রচলিত। চিনে মন্ত্রিসভার আয়তন মনমোহন সিংহের তুলনায় প্রায় এক-চতুর্থাংশ, কিন্তু নরেন্দ্র মোদীর তুলনায়ও অর্ধেকের কম। চিনে ঠিক যে যে মন্ত্রক আছে, মন্ত্রকগুলিকে যে ভাবে ভাগ করা হইয়াছে, ভারতেও তাহাই করিতে হইবে, এমন নিশ্চয়ই নহে। সামাজিক পরিস্থিতির জটিলতার কারণে ভারতে কয়েকটি বিশেষ ক্ষেত্রের প্রয়োজনও হয়তো আপাতত থাকিতে পারে। কিন্তু সে সকলই খুঁটিনাটির প্রশ্ন। মূল চরিত্রে সাদৃশ্য বিস্তর। কেন সমস্ত জ্বালানি বা সমস্ত পরিবহণের জন্য একটি করিয়া মন্ত্রক যথেষ্ট নয়, তাহার কোনও সদুত্তর মনমোহন সিংহের বুলিতে ছিল না, নরেন্দ্র মোদীর তহবিলেও নাই।

মন্ত্রিসভার সদস্যদের শিক্ষাদীক্ষা বা কর্মক্ষেত্রের বিচারেও চিনের নিকট ভারতের শিথিবার আছে। গত দশকের প্রথমার্ধে জিয়াং জেমিন-এর নেতৃত্বে চিনের কমিউনিস্ট পার্টি দলীয় তথা প্রশাসনিক কাঠামোয় শিল্পোদ্যোগী ও পেশাজীবীদের গুরুত্ব দানের চিনে তীব্র প্রবর্তন করে, উচ্চ উত্তরোত্তর জেরদার হইয়াছে। এখন চিনের প্রশাসনের তাকাত্তরে, বিশেষত মন্ত্রিসভায়, উচ্চশিক্ষিত, প্রশিক্ষিত এবং পেশাজীবী সদস্যর অধিপত্য অতি প্রবল। ভারতের মতো দেশে গণতান্ত্রিক নির্বাচনের পথে উঠিয়া আসা নেতৃত্ব সচরাচর শিক্ষাশিক্ষায় কৃতী হইবেন না, তাহা অপ্রত্যাশিত নয়। এমনকী, তাঁহাদের অনেকের মনেই উচ্চশিক্ষিত বা পেশাজীবীদের প্রতি এক ধরনের অসূয়া নিহিত থাকিবে, ইহাও অস্বাভাবিক নহে। কিন্তু সেখানেই প্রকৃত নেতার দায়িত্ব। নির্বাচনী রাজনীতির পথে না হউক, সমান্তরাল প্রক্রিয়ায় তেমন যোগ্য ব্যক্তিদেৱ মন্ত্রিসভায় লইয়া আসিতে হইবে। মনমোহন সিংহকে নরসিং রায় ও সেই ভাবেই আনিয়াছিলেন। নরেন্দ্র মোদী এখনও তাহার কোনও উদ্যোগ করেন নাই। করা দরকার। তাহা না হইলে, যোজনা কমিশন-উত্তর পর্বও চিন দূর অস্ত্।

রক্ষাকর্তা

সনাতন ভারতীয় সংস্কৃতি ক্রমশই বড় সমস্যার ব্যাপার হইয়া উঠিতেছে। ইহার প্রবক্তারা তাঁহাদের যাবতীয় মনোযোগ কেন্দ্রীভূত করিয়াছেন মহিলাদের পোশাকের ছাঁট, হাঁদ, বুল্‌ কেমন হইবে, তাহার উপর। ভারতীয় সংস্কৃতিকে রক্ষা করিতে হইলে যেন কেবল মহিলাদের পোশাকের উপর নজরদারি করিলেই চলিবে। এ ব্যাপারে ইদানীং সর্বাপেক্ষা তৎপর দেখা যাইতেছে গোয়ার মন্ত্রী ও জনপ্রতিনিধিদের, যাঁহারা আইনসভার ভিতরে ও বাহিরে ক্রমাগত এই বিষয়ে তাঁহাদের মন্তব্য উগরাইয়া দিতেছেন। কেহ বলিতেছেন, গোয়ার সৈকতে কিংবা পাব-এ মহিলাদের স্বল্প দৈর্ঘ্যের পোশাক পরিয়া ঘোরা অনুচিত। কেহ আরবার পরামর্শ দিতেছেন, বিকিনি জাতীয় হ্রস্ব পোশাকে সৈকতে বিচরণকারী বিদেশিনি পর্যটকদের জন্য একটি স্বতন্ত্র সৈকত নির্দিষ্ট করিয়া দেওয়া হউক, যাহাতে তাঁহাদের দেখিয়া গোয়ার অন্য পর্যটক ও জনসাধারণ তাঁহাদের মহান সংস্কৃতি হইতে বিচ্যূত না হন। একই সঙ্গে ওই সৈকতে বিচরণকারী মহিলাদের জন্য ‘বিকিনি-কর’ ধার্য হউক, যাহাতে রাজ্যের পর্যটন দফতরও দু’পয়সা কামাইতে পারে। এমন পরামর্শের জন্য তিনি ভারতেরূপ না হউক, অন্তত পশ্চাভী তো পাইতেই পারেন।

এই সব জনপ্রতিনিধি এবং মন্ত্রীদের মুখ হইতে অনর্গল নিঃসৃত হইয়া চলিয়াছে। তাঁহাদের বোধ হয় দুই একটি কথা বুঝাইয়া দেওয়া দরকার। এক, সনাতন কিংবা আধুনিক, ভারতীয় সংস্কৃতির সুরক্ষার কোনও প্রয়োজন নাই। বহু সংস্কৃতির দেশ ভারতকে একমাত্রিক সংস্কৃতির ছাঁচে বাঁধিয়া ফেলার মধ্যে এক ধরনের স্ৱৈরাচার আছে। দ্বিতীয়ত, অন্তত সনাতন ভারতীয় সংস্কৃতিকে মহিলাদের পরিধেয় বোরখার মতো কোনও আাদমসত্ত্ব কাবুত করা পোশাক ছিল না। ভারতের মন্দিরগাত্রে উৎকর্ষী ভাস্কর্যের দিকে এক বলক তাকাইলেই তাহা উপলব্ধ হয়। এত স্বল্প শিক্ষা, এত অধ্যয়নহীনতা, সংস্কৃতি বিষয়ে চর্চারহিত, অনুশীলনবর্জিত এমন পাহাড়প্রমাণ অজ্ঞতা ও মুঢ়তার সম্বল্লালিত সম্পদ লইয়া তাঁহারা সনাতন সংস্কৃতিকে দেশব্যপী ও পর্যটকদের উপর চাপাইতে ব্যগ্র যে, প্রায়শ তাঁহাদের সেই ব্যগ্রতা উপহাসের বিষয় হইয়া ওঠে। অথচ গোয়া ঠিক সনাতন ভারতীয় সংস্কৃতির পীঠস্থানও নয়, পূর্তুগিজ সাম্রিধ্যে বিবর্তিত ইউরোপীয় ও ভারতীয় সংস্কৃতির এক সম্মিতি এবং সমৃদ্ধ সংশ্লেষ।

অন্যায়ের অন্য দিকটি হইল, বিদেশি অপসংস্কৃতির আগ্রাসন হইতে ভারতীয় মহিলাদের ‘রক্ষা’ করার নামে তাঁহাদের উপর রকমারি বিধিনিষেধ আরোপ। এই নিষেধের মধ্যে যেমন মেয়েদের জিন্স পরা আছে, তেমনই আছে তাঁহাদের মোবাইল ফোন ব্যবহারও। এক কথায় হরিয়ানা-উত্তরপ্রদেশের জাঠ চণ্ডীমণ্ডপে খাপ পঞ্চায়েতের মাতব্বররা যে-সব প্রতিক্রিয়াশীল বিধিনিষেধ আরোপ করিয়া থাকেন, গোয়ার আলোকপ্রাপ্ত মন্ত্রী-বিধায়করা তাহারই পুনরাবৃত্তি করিতেছেন। নিয়মিত মহিলারা গণধর্ষিত হইতে থাকিলে তাহার কারণ হিসাবে পুরুষের ক্ষমতার আক্ষলন নয়, মহিলাদেরই ‘খোলামেলা’ পোশাকের ভূমিকা লইয়া এই সংস্কৃতির প্রবক্তারা মুখার। সুখের কথা, এই সংস্কৃতিরক্ষাকদের বিধিনিষেধের কেহ বিশেষ তোয়াক্সা করিতেছে না। সংস্কৃতিরক্ষার নামে মহিলাদের পরিধেয় ও আচরণবিধি নির্দিষ্ট করিয়া দিবার পিতৃতান্ত্রিক ষড়যন্ত্রটিও ক্রমশ সমাজ, বিশেষত তরুণ প্রজন্ম দিব্য ধরিয়া ফেলিতেছেন।

ভারতে কি সত্যি অনেক ধনী আছেন?

দিনকয়েক আগে খবরের কাগজে বেরিয়েছে, গোটা দুনিয়ায় মাল্টি-মিলিয়নেয়ারের সংখ্যার নিরিখে ভারত আট নম্বরে রয়েছে। মাল্টি-মিলিয়নেয়ার মানে এমন মানুষ, যার মোট সম্পদের পরিমাণ অন্তত দশ মিলিয়ন, মানে এক কোটি ডলার। টাকার অঙ্কে, যাতে কোটির কাছাকাছি। নিউ ওয়ার্ল্ড ওয়েলথ নামক একটি সংস্থা যে ওয়েলথ ইনডেক্স, মানে সম্পদের সূচক, তৈরিকরেছে, তাহেই জানা গিয়েছে, ভারতে এমন ‘ষাট কোটি’-পতি বা অতি-ধনীর সংখ্যা মার্কিন যুক্তরাষ্ট্র, চিন, জার্মানি বা ব্রিটেনের তুলনায় কম বটে, কিন্তু কানাডা, অস্ট্রেলিয়া, রাশিয়া বা ফ্রান্সের থেকে বেশি। কিন্তু ভারতের জনসংখ্যা যেহেতু চিন ছাড়া আর সব দেশের থেকে বেশি, তাই অতি-ধনীই হোক বা দরিদ্র, সর্বশ্রেণির মানুষের সংখ্যাই ভারতে প্রচুর। তাই, প্রশ্ন হল, ভারতে জনসংখ্যার নিরিখে ধনীর সংখ্যা কি অন্য দেশের থেকে বেশি? গোটা দুনিয়ায় সবচেয়ে বেশি দরিদ্র মানুষও যেহেতু বাস করেন ভারতেই, ভারতীয় হিসেবে ধনীর সংখ্যার প্রাচুর্যের খবরে আমরা আনন্দিত হব, না কি চরম আর্থিক বৈষম্যের প্রতিক্রিয়ন ভেবে উদ্বিগ্ন হব?

ভারতকে নিয়ে একটা বড় মুশকিল হল, দেশটা এমনই বড় যে কোনও পরিসংখ্যান দেখেই চোখে ঝিলিমিলি লেগে যাওয়ার সম্ভাবনা খুব বেশি। এবং, সেই সংখ্যাটির মানে আসলে কী, সেটা কম না বেশি, নাকি সত্যিই বিশ্বয়কর, সংখ্যা দেখে সেটা বোঝা কঠিন কাজ। অনেকেই সেটা স্বরতে পারেন না। সেই কঠিন কাজটা সহজ করে নেওয়ার একটাই মন্ত্র আছে: ‘ভারত-সংক্রান্ত যে কোনও আপাতবিশাল পরিসংখ্যান পেলে প্রথমেই তার দেশের মোট জনসংখ্যা দিয়ে ভাগ করে দেখুন।’ দেখবেন, অনেক পরিসংখ্যানই অনেক বেশি অর্থহহ হয়ে উঠবে।

ধনীদের নিয়ে পরিসংখ্যান পাওয়া যাচ্ছে নিউ ওয়ার্ল্ড ওয়েলথ (<http://www.nw-wealth.com>) সংস্থাটি থেকে। জানা যাচ্ছে, গোটা দুনিয়ায় অতি-ধনীর সংখ্যা ৪৯৫,০০০। তার মধ্যে ভারতের নাগরিক ১৪,৮০০ জন। অর্থাৎ, বিশ্বের ধনীদের তিন শতাংশ ভারতীয়। এ দিকে, বিশ্বের জনসংখ্যার ১৭ শতাংশ ভারতীয়। এই দ্বিতীয় পরিসংখ্যানটি দেখার সঙ্গে সঙ্গেই মনে হচ্ছে না, ভারতে ধনীর সংখ্যা তুলনায় কম?

কিন্তু, দেশ হিসেবে ভারত দরিদ্র। কাজেই, ধনী দেশগুলোর সঙ্গে প্রত্যেক তুলনায় লাভ নেই। আমরা বরং দেখি, ভারতের আর্থিক অবস্থা অনুযায়ী এ দেশে যত জন ধনী থাকা প্রত্যাশিত, সত্যিই কি তত জন ধনী ভারতে আছেন? ভাল ভাবে এই হিসেস বুঝতে গেলে অঙ্ক কষতে হবে। সেই ঝামেলায় না গিয়ে, এখানে কাজ চালানোর মতো কিছু হিসেসকর দেখা যাক বরং। ২০১১ সালে যখন ভারতে মাথাপিছু গড় আয় ছিল ১৫৫০ ডলার, গোটা দুনিয়ায় সেই গড় ছিল ১০,২৩৫ ডলার। অর্থাৎ, ভারতে মাথাপিছু গড় আয় দুনিয়ার গড়ের মাত্র ১৫ শতাংশ। অন্য দিকে আবার, বিশ্বের ধনীদের যত শতাংশ ভারতীয় (৩ শতাংশ), তার সঙ্গে বিশ্বের জনসংখ্যায় যত শতাংশ ভারতীয় (১৭ শতাংশ), তার অনুপাত হল ০.১৭। খেয়ালকর দেখুন, গড় আয়ের অনুপাত আর ধনীর অনুপাতের সংখ্যা দুটি মোটামুটি কাছাকাছি— ০.১৫ আর ০.১৭— যদিও প্রথমটির তুলনায় দ্বিতীয়টি একটু বেশি। কাজেই, বলা যেতে পারে ভারতে ধনীর সংখ্যা প্রত্যাশিত হারের চেয়ে একটু বেশি।

দুনিয়ার আরও কয়েকটা দেশের সঙ্গে তুলনা করলে ভারতের অবস্থা আরও স্পষ্ট ভাবে বোঝা যেতে পারে। চিনে মানুষের গড় আয় দুনিয়ার গড়

মৈত্রীশ ঘটক ও দেবরাজ রায়

ভারতের মতো একটা গরিব দেশে যত জন মহা-ধনী থাকা প্রত্যাশিত, বাস্তবে তেমন বড়লোকের সংখ্যা তার চেয়ে বেশি। কালো টাকার কথা মনে রাখলে, সম্ভবত আরও বেশি। সে দিকে নজর রাখলে না-জানা গল্পের সন্ধান পাওয়া যেতে পারে।



আয়ের ৫৬ শতাংশ, আর অতি-ধনীর সংখ্যা দুনিয়ার ২৮ শতাংশ। কাজেই, চিনে অতি-ধনীর সংখ্যা প্রত্যাশার তুলনায় অনেকটাই কম। মার্কিন যুক্তরাটে অতি-ধনীর সংখ্যা প্রত্যাশার তুলনায় অনেক বেশি। সুইটজারল্যান্ডে আরও বেশি।

তবে এই ধরনের তুলনার মধ্যে একটা সমস্যা আছে। গড় আয় যত কম হবে, আপেক্ষিক বৈষম্যের মাত্রা যদি একও থাকে, জনসংখ্যায় ধনীদের আপেক্ষিক গুরুত্ব আনুপাতিক ভাবে না কমে সাধারণত একটু বেশি-ই হারে কমে। ধরুন দুটো স্কুলের অঙ্ক পরীক্ষার ফলের তুলনা হচ্ছে। স্কুল দুটোর ছাত্র সংখ্যা সমান, এবং ছাত্রদের মধ্যে অঙ্কে পারদর্শিতার আপেক্ষিক বিন্যাসও এক, কিন্তু তার একটার গড় নম্বর অন্যটার অনেক বেশি। তার মানে কি, যারা খুব ভাল করেছে (৯০ শতাংশের বেশি নম্বর পেয়েছে) সেই ছাত্রদের সংখ্যাও কি অর্ধেক হবে? সাধারণত তা হয় না, তার একটু কমই হয়। এই ব্যাপারটা আমরা যদি নিয়ন্ত্রণ করি, তা হলে কিন্তু ছবিটা যানিক পাল্টায়।

যে অঙ্কের পথ ধরে গেলে এই প্রশ্নের উত্তর পাওয়া যায়, তার বিবরণ এই লেখার পক্ষে একটু বেশি খটমোটে হয়ে যাবে। এই নিয়ে আমরা অন্যর বিশদ আলোচনা করছি (<http://debrajray.blogspot.in>)। এখানে সেই হিসেবের ফলাফলটুকু জানাই। মিলিয়নেয়ার বা দশ লক্ষ ডলারের মালিক (ভারতীয় টাকায় ছয় কোটির কাছাকাছি), যাদের আমরা ‘ধনী’ বলতে পারি, ভারতে তাদের সংখ্যা প্রত্যাশিত হারের তুলনায় বেশি নয়। কিন্তু, অতি-ধনীর (এক কোটি ডলারের মালিক) সংখ্যা বেশ খানিকটা বেশি। যেমন, মার্কিন যুক্তরাষ্ট্রের সঙ্গে তুলনা করলে প্রত্যাশিত হারের প্রায় দেড়গুণ। অন্য ভাবে বললে, ভারতের আর্থিক পরিস্থিতির সঙ্গে সঙ্গতি বজায় রেখে দেশে যত জন অতি-ধনী থাকা উচিত, অতি-ধনীর প্রকৃত সংখ্যা তার তুলনায় বেশি।

একটু অন্য ভাবেও দেখতে পারেন। ধরা যাক, বিভিন্ন সূত্র থেকে পাওয়া সুদের গড় হার বছরে ১০ শতাংশ। সুতরাং, এক কোটি ডলারের মালিক এক জন ভারতীয় বছরে ১০ লক্ষ ডলার সুদ পান বা আয় করেন। হিসেবের খাতিরে ধরে নেওয়া যাক, ধনী, অতি-ধনী এই শ্রেণির সবাই এই গোত্রে অন্তর্ভুক্ত হওয়ার জন্যে যে ন্যূনতম সম্পদের প্রয়োজন ঠিক ততটাই মালিকা। ভারতে গড় মাথাপিছু আয় বছরে ১৫৫০ ডলার। জাতীয় আয়ের কত শতাংশ অতি-ধনীরা অর্জন করেন তা যদি হিসেব করি, তা হলে দেখব সারা পৃথিবীর গড়ের থেকে তা সামান্য বেশি (যথাক্রমে, ০.৮ এবং ০.৭ শতাংশ)। ধনীদের ক্ষেত্রে ঠিক উল্টো— জাতীয় আয়ের কত শতাংশ ভারতে ধনীরা অর্জন করেন তা যদি হিসেব করি, তা হলে

ভারতকে নিয়ে একটা বড় মুশকিল হল, দেশটা এমনই বড় যে কোনও পরিসংখ্যান দেখেই চোখে ঝিলিমিলি লেগে যাওয়ার সম্ভাবনা খুব বেশি।

দারুণ কিছু নয়, কিন্তু অন্য বিকল্প নেই

অভিষেক চৌধুরি ও চিন্ময় কুমার

এ কথা নিশ্চয়ই বলা চলে না যে, নীতীশ কুমার এবং লালুপ্রসাদের জোটবন্ধন বিহারের পক্ষে এক পরম আশীর্বাদ। কিন্তু বাস্তব পরিস্থিতির বিচারে রাজ্যে বিজেপির উত্থানের মোকাবিলায় আপাতত এ ছাড়া অন্য কোনও পথ নেই। এবং, এই জোট হয়তো দিব্য কাজও চালিয়ে দেবে।



একসঙ্গে ছিল, সেটাই একটা বিশ্বয়ের ব্যাপার। তার একটা কারণ ছিল এই যে, লালুপ্রসাদ উভয়েরই প্রতিপক্ষ, তাঁকে হারানোর জন্যই এই দুই পক্ষ নিজেদের আদর্শগত বিরোধ সরিয়ে রেখেছিল।

আর একটা প্রচার চলছে যে, নীতীশ এবং লালুর জোট বিহারে ‘গুডা নেওয়া’ ফিরিয়ে আনবে। এখানে ধরে নেওয়া হচ্ছে যে, দুদীতি বহন অপরাধ আরজেডি’র চরিত্রগত, আর জেডি(ইউ) এবং বিজেপি দল নিশ্চয়ই হিসেবে ভারতের অবস্থা আরও স্পষ্ট ভাবে না হলে তারা আরজেডি’র তুলনায় ভাল প্রশাসন চালাতে পারত না। ঘটনা হল, জেডি(ইউ) এবং বিজেপি, দুদলের কোনওটিতেই গুরুতর অগরাধে অভিযুক্ত সদস্যের সংখ্যা কোনও

অংশে কম নয়। তাদের জোট সরকারের জমানায় নীতীশের দৃঢ় নেতৃত্বই গুণ্ডাগিরিকে নিয়ন্ত্রণে রেখেছিল। বিজেপির সঙ্গে জোটের ক্ষেত্রে নীতীশ কুমার যদি মাফিয়াদের নিয়ন্ত্রণে রেখে থাকতে পারেন, আরজেডি’র সঙ্গে জোটের ক্ষেত্রেও সেটা পারবেন, এমনটাই ধরে নেওয়া সম্ভত নয় কি?

বিজেপির সঙ্গে জোটের ক্ষেত্রে নীতীশ কুমার যদি মাফিয়াদের নিয়ন্ত্রণে রেখে থাকতে পারেন, আরজেডি’র সঙ্গে জোটের ক্ষেত্রেও সেটা পারবেন, এমনটাই ধরে নেওয়া সম্ভত নয় কি?

দেখব সারা পৃথিবীর গড়ের থেকে তা খানিকটা কম (যথাক্রমে, ১.৩ এবং ১.৬ শতাংশ)। এ বার যদি মহা-ধনীদের (মোট সম্পদ ৩ কোটি ডলারের বেশি) দেখি, তা হলে আবার ভারতের জাতীয় আয়ে তাদের ভাগ সারা পৃথিবীর গড়ের থেকে বেশি (যথাক্রমে, ০.৪১ এবং ০.২৭ শতাংশ)।

বৈষম্যের দিক থেকে দেখলে ভারতের পরিস্থিতি নিয়ে উদ্বিগ্ন হওয়ার আরও কতকগুলো কারণ আছে। আমরা যে হিসেব কষেছি, তাতে বেশির ভাগ ক্ষেত্রেই ভারতের তুলনা করেছি আমেরিকার সঙ্গে। তাতেও দেখা যাচ্ছে, ভারতে অতি-ধনীর সংখ্যা প্রত্যাশিত হারের তুলনায় অনেকটাই বেশি। এ দিকে, মার্কিন যুক্তরাষ্ট্র দেশটাতেই আর্থিক অসাম্য রীতিমত চড়া। জাপান বা জার্মানির মতো দেশে অতি-ধনী মানুষের সংখ্যা প্রত্যাশিত হারের তুলনায় কম। শিম্‌দাপুর, হংকং এবং সুইটজারল্যান্ডে আবার অতি-ধনীর সংখ্যা প্রত্যাশিত হারের তুলনায় ঢের বেশি।

দ্বিতীয় কারণটা আরও মারাত্মক। ওয়ার্ল্ড ব্যাঙ্কের ২০১০ সালের একটা সমীক্ষায় জানা যাচ্ছে, ভারতের অর্থনীতির যে অংশটি কালো টাকায় চলে, যাকে ছায়া-অর্থনীতি বলা হয়, তার অনুপাত অন্তত ২০ শতাংশ, যেখানে আরও সম্ভল দেশগুলোতে তা ১০ শতাংশের বেশি নয়। সবাই মনে করেন, ভারতের ক্ষেত্রে এই অনুপাত আসলে ২০ শতাংশের অনেক বেশি। ইউপিএ সরকারের নির্দেশে ন্যাশনাল ইনস্টিটিউট অব পাবলিক ফিনান্স অ্যান্ড পলিসি ভারতের কালো অর্থনীতি বিষয়ে যে রিপোর্টটি তৈরি করেছিল, ২০১৩ সালে সরকারি হিসাবের হাতে তা জমা পড়ার পরেও চিদম্বরম বা অরুণ জেটলি যে রিপোর্টটিকে সংসদে পেশ করেননি, সম্প্রতি তার ভিতরের খবর জানার দাবি করল দেশের মোট জনসভারতীয় সংবাদপত্র। সেই রিপোর্ট নাকি বলছে, ভারতের মোট অভ্যন্তরীণ উৎপাদন যত, দেশের কালো অর্থনীতির মাপ তার প্রায় তিন-চতুর্থাংশ। এই ৭৫ শতাংশের হিসেবটিকে একেবারে কথার কথা বলে উড়িয়ে দেওয়া মুশকিল। ফলে, ভারতে অতি-ধনীদের আসল সংখ্যা আমাদের হিসেবের চেয়ে আরও বেশিই হবে।

অনেকের কাছে হয়তো অতি-ধনী বা মহা-ধনীর সংখ্যাধিকার সুসংবাদ বলা গয়া হবে। আমরা ততখানি আশাবাদী নই। বরং, রিজার্ভ ব্যাঙ্কের গভর্নর রঘুরাম রাজন সম্প্রতি ক্রোনি কাপিটালিজমের বিপদের কথাটি যে ভাবে মনে করিয়ে দিয়েছেন, আমরা তার সঙ্গে একমত।

সংক্ষেপে বলতে গেলে, আমাদের মূল বক্তব্য হল ভারত দুনিয়ার গড়ের তুলনায় গরিব, তাই ভারতে স্বাভাবিক ভাবেই দরিদ্র মানুষের সংখ্যা বিশ্বের গড়ের তুলনায় বেশি, এবং ধনী মানুষের সংখ্যা বিশ্ব-গড়ের তুলনায় কম। কিন্তু, ভারতে লোকসংখ্যা এমনই বেশি যে ভারতের যে কোনও পরিসংখ্যানই চোখধাঁধানো, এবং অনেক সময়ই বিভ্রান্তিকর। কাজেই, যে কোনও ক্ষেত্রেই ভারতের পরিসংখ্যাকে অন্য দেশের সঙ্গে তুলনা করার আগে জনসংখ্যা দিয়ে ভাগ করে ‘মাথাপিছু হিসেব’ করে নেওয়া ভাল। সেই হিসেবই বলছে, ভারতে ‘ধনী’-র সংখ্যা প্রত্যাশিত হারের কাছাকাছিই আছে, কিন্তু ‘অতি-ধনী’-র সংখ্যা প্রত্যাশিত হারের তুলনায় অনেকটা বেশি। কাজেই, ভারতের সবচেয়ে ধনী লোকরা ঠিক কী করছেন, সে দিকে নজর রাখলে কিছু না-জানা গল্পের সন্ধান পাওয়া যেতেও পারে বলেই মনে হয়। বাজিয়ে দেখতে ক্ষতি কী?

মৈত্রীশ ঘটক লন্ডন স্কুল অব ইকনমিকস্-এ অর্থনীতির শিক্ষকা বোর্ডাররায় নিউ ইয়র্ক ইউনিভার্সিটি-তে অর্থনীতির শিক্ষক।

সম্পাদক সমীপেষু



তবে নতুন বই কেন

২০০৫ শিক্ষাবর্ষে প্রাক্ মাধ্যমিক ব্যাকরণের সিলেবাস প্রচলিত। প্রাচীন ধারণার পুনরাবৃত্তি এবং বিষয়-বোঝে ঘাটতি ভাষা একধাক্কাে বিজ্ঞান, দর্শন এবং কিছু নিয়মের সমবায়। ভাষার অন্তর্গত অপার রহস্যময়তাকে চেনায় ব্যাকরণ। আমরা কী ভাবে ধ্বনির পর ধ্বনি সাজিয়ে মনের ভাব প্রকাশ করি, তার রহস্য উদ্‌ঘাটনই ব্যাকরণের কাজ। বাংলা ব্যাকরণ আমরা পেয়েছি সংস্কৃত ব্যাকরণ থেকে। অথচ বাংলা এবং সংস্কৃত দুটি পৃথক ভাষা। কিন্তু আজও কি বাংলা ভাষার পৃথক ব্যাকরণ নির্মিত হয়েছে? উনবিংশ শতাব্দী থেকেই বিকল্প বাংলা ব্যাকরণ নির্মাণের প্রয়োজনীয়তা অনুভূত হয়েছে। সেই প্রয়াস আজও অব্যাহত।

নবম শ্রেণির জন্য ব্যাকরণের নতুন সিলেবাসও কোনও দিশা দেখাতে পারেনি। এ যেন পরিবর্তনের জন্যই পরিবর্তন। মূল আলোচনায় আসি। সিলেবাসের দ্বিতীয় অধ্যায়ে আছে ‘শব্দ গঠন: উপসর্গ, অনুসর্গ, ধাতু ও প্রত্যয়’। শব্দ গঠনে অনুসর্গের ভূমিকা আমাদের অজ্ঞাত। অনুসর্গ বিষয়টি কারক ব্যবস্থার সঙ্গে সম্পর্কিত, উপসর্গ, ধাতু ও প্রত্যয়ের সঙ্গে যুক্ত নয়। শব্দ গঠন অধ্যায়ে অনুসর্গ আলোচিত হওয়ার কোনও কারণ নেই। বরং নতুন শব্দ গঠনের চমৎকার উদাহরণ সমাস। সিলেবাস কতঁরা শব্দ-গঠন অধ্যায়ে সমাস আলোচনার দরকারও বোধ করেননি। তবে অনুসর্গ কেন? উপসর্গের সঙ্গে ধ্বনিসাযুজ্যের জন্যই কি?

তৃতীয় অধ্যায়ে বিষয়: ‘শব্দ ও পদ, বিশেষ্য-বিশেষণ-সর্বনাম-অব্যয়-ক্রিয়া, বিভক্তি’র আলোচনা।’ সংস্কৃত ব্যাকরণের সূত্রে আমরা পঞ্চদশ প্রাপ্ত হয়ে বাল্যকাল থেকে মুখস্থ করে আসছি। কিন্তু বিশেষ্যের পর কেন বিশেষণ হবে— তা নিয়ে আমরা ভাবি না। এ-ও কি ধ্বনি সাযুজ্য? বিশেষ্যের বিকল্প সর্বনাম। তাই বিশেষ্যের পরই সর্বনাম আলোচিত হওয়া উচিত এবং পরপরপা্গত এই ক্রমিক ধারণার অবসান ঘটিতে বিষয়টি শিক্ষার্থীদের মনে রোপণ করা আবশ্যক। সংস্কৃত ভাষায় অব্যয়ের সংজ্ঞা অনুসারে বাবহার বাংলা ভাষায় নেই। বাংলা ব্যাকরণে যেগুলোকে আমরা ‘অব্যয়’ বলি সেগুলি কতখানি অব্যয় তা নিশ্চত আলোচনাসাপেক্ষ বিষয়। ব্যাকরণ কোনও অচলায়তন জড় বস্তু নয়। সংস্কৃত ভাষাতেও ব্যাকরণ ভাবনা কখনওই অনড়, অপরিবর্তনীয় এবং বাদ-প্রতিবাদহীন ছিল না।

নির্মিতি অংশে বলা হয়েছে— ভাব সম্প্রসারণ, ভাবার্থ, সারাংশ প্রভৃতি ক্ষেত্রে অনধিক ১০টি উদাহরণ ১২ পৃষ্ঠার মধ্যে হাতে-কলমে (অনুশীলনী)। অংশ-সহ থাকবে। অর্থাৎ ১০৮০=৩০টি উদাহরণ এবং অনুশীলনীর জন্য বরাদ্দ ১২টি পৃষ্ঠা। পৃষ্ঠা বরাদ্দে এত কার্পণ্য কেন? ভাবার্থ এবং সারাংশের ফরাক কতখানি? ভাবসম্প্রসারণ, ভাবার্থ, সারাংশ এবং গল্পলিখনের জন্য বরাদ্দ নম্বর ৫। প্রবন্ধের জন্য শব্দসংখ্যা অনধিক ৩০০, ভাবসম্প্রসারণের জন্য শব্দসংখ্যা অনধিক ১৫০ (সূত্র: নির্দেশিতা ভবনে মধ্যশিক্ষা পর্ষদের সিলেবাস ‘সম্পর্কিত বিভাগের আলোচনা’)। প্রাক্ মাধ্যমিক পর্যায়ে ৩০০ শব্দ সংখ্যায় একটি প্রবন্ধকে বাঁধা যায়? তা হলে নতুন সিলেবাসের নতুন বইয়ে পরিবর্তন কিছুই নেই? পরিবর্তন একটিই, ব্যাকরণ হবে রংচঙে বই। রঙিন ভাবে বিভাজিত হয়ে মধ্যশিক্ষা পর্বদ ব্যাকরণ বইকে চার রঙে রাঙানোর নির্দেশ দিয়েছে নির্দেশ পালনে ছোট প্রকাশকদের পরিত্রািই অবস্থা। এবং সব দেখে শুনে আমাদের মনে হচ্ছে—‘মন না-রাঙানে কাপড় রাঙালি— কী ভুল করলি যোগী’।

পূর্ণ দত্ত। তাঁতিপাড়া, বীরভূম

বাইক নামক বিপদ

■ আগে ছিল ঘরে ঘরে সাইকেল। এখন সাইকেলের সঙ্গে ঘরে ঘরে মোটরবাইক। এই মোটরবাইকের দাপটে রাস্তা চলা দায়। অল্পবয়সি ছেলেরা এত জোরে বাইক চালায় যে পচলা দায়। মাথায় হেলমেট নেই। বাইকের পিছনে বন্ধুবান্ধবদের বসিয়ে মোবাইলে কথা বলতে বলতে প্রচণ্ড জোরে বাইক চালানোর সময় কোনও নিয়মকানুন মানে না। গাড়ি চালাতে চালাতে তারা এত ব্যস্ত যে পথচারীর দিকে, অন্য যানবাহনের দিকে তাদের দৃষ্টিও নজর থাকে না। যে কোনও মুহূর্তে দুটোনা ঘটিয়ে নিজের এবং আনোরাটিকে বিপদ ডেকে আনতে পারে। ট্রান্সে পুলিশের কাছে অনুরোধ, এদের সামলান।

বিনোদবিহারী মল্লিক। ধারিদা, তামলুক, পূর্ব মেদিনীপুর